



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

DCXXVIII. Heine Berendes zu Salzwedel gründet in der Katharinenkirche  
dasselbst eine Almosen-Commende und erweitert die Spende, am 28.  
Februar 1524.

---

---

**Nutzungsbedingungen**

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

vnd fynes vorgeschreuen hufes besitter den wedderkop etc. — nach Christi vnser herrn ghebur  
 vestteinhundert vnd dre vndetwintich ihar, ahm fridaghe nach Catharine.

Nach einer alten Copie des Salz. Archives XIII, 35.

DCXXVIII. Heine Berndes zu Salzwedel gründet in der Katharinenkirche daselbst eine  
 Almosen-Commende und erweitert die Spende, am 28. Februar 1524.

Tho laue dem almechtigen gade, Marien der hochwirdigen Iunckfrawen, siner benedieten  
 Moderen, Allen gades hilgen, hebbe ick Heine Berndes, Burger in der Nygen Stadt Soltwe-  
 del, myt wetten, willen vnd sulborde Oden, myner ehelichen huffrawen, tho troste allen louigen  
 Christen szelen, bosunderlichen vnser twiger olderen, varolderen vnd eygen szelen salicheit, fundert,  
 hostediget vnd erigert, fundere, hostedige vnd erigere Eyne Nyge almiffen Commenden In gedecht-  
 nisse des bitteren lydendes vnser heren Ihesu christi tho dem altare des hilgen Crucis, Sanct Jacobs  
 vnd Eluen dusent Iunckfrawen, In Sanct Catharinen kerckenn, bynnen der Nygen Stadt Soltwe-  
 del boleggen, vnd tho irbesung der suluen Commenden gegeuen vnd assignert hebbe, gene vnd  
 Assignere ock iegenwardich, In craft diesser schrift, tho bohoeff des Commendisten, ewich by der  
 Commenden thobliuende, diesse hir nachgeschreuen houetsummen mit den Iarlichen Renten, Tinfzen  
 vnd pechten, Nomplich vierhundert Marek Soltwedelscher weringh itzundt vff vnd ahn dem Nygen  
 Steder Rathuse tho Soltwedel, vor Achtein Marek Iarlicher tinfze, luth der vorfiegelden breue  
 vorseuen, Twevndfouentich golt gulden, wur von vertich golt gulden von den von Ietzen, ach-  
 tein schepel Roggen vnd achte schillingh Iarlicher Rente Im dorpe Cossun vorseuen, Twevnddrut-  
 tich golt gulden Im Schulten Hauv tho Gartze vff achtein schepel Roggen iarlichs pachtes von  
 ludolff vnd Hanfs vom kneffebecke, Inholt der vorfiegelden breue dar auer gegeuen, vorse-  
 uen. Wan sodann vier hundert Marek Soltwedelscher weringhe vnd Twevndfouentich golt gul-  
 den houetsummen, nach vorlope der tydt wurden affgelofet, schal die Commendiste, mit wetten vnd  
 willen des Erlamen Rades der Nygen Stadt Soltwedel, vff wisse gudere widder anleggen. Geue  
 ock tho diesser Commenden Eynen kelck mit dren Mißgewanden mit aller thobohoringhen ewich  
 dar by thobliuen. Szodann vorgeschreuen Iarliche Rente vnd pechte willen wy heine Berndes  
 vnd oda, de tydt vnser twiger leuende vor vnser frig boholden mit macht, Eynem die Commenden  
 Im testament ader im leuende nach vnser dode, got geue mit felicheit, thohebbende bouelen. Dar  
 nach geue ick irgemelte Heyno Berndes vnd oda, myn eheliche huffrawe, die bouelungh vnd  
 vorlegungh diesser Commenden, so vaken fze entleddiget wert, dem Erlamen Rade der Nygen stat  
 Soltwedell, Eynem die vth mynem vnd oden myner huffrawen geslechte von beiderleyde kunne  
 gebaren, dem negeften, dar tho ock boquemest, sunder jennige bohelpunck, In sage, Nygefunde efft  
 argelift bosunderen gutwillich lieen vnd bouelen. Dar denne Eynner, die vth vnser geslechte, wo  
 vpsteit, gebaren, die bouelungh der Commenden, dar hie vmme gebeden, In thokunstigen tyden von  
 dem Erlaman Rade vargenomet, des ick doch nicht vorhape, geweygert wurde, schal vnd mach  
 desulunge, so vth vnser twiger geslechte gebaren vnd dar thoboqueme, eygener person sich der

Commenden vnderwinden vnd ahnemen: vnd wan nemandes mer von vnsem geslechte were, schal Eyn Erfamen Radt Eynem anderen armen prester essit Clerick vmme gots willen die Commenden Confereren vnd bouelen vnd die Commendista alle weken dre Myssen tho vffgedachten Altare des hilgen Cruces, Sanct Jacob vnd Eluen dufent Junckfrawen In Sanct Catharinen kercken bynnen der Nygen stat Soltwedel, wo vpsteit, Eyne thor dechnisse vnd tho troste allen Christlouigen Izelen, die ander des Middewekens essit Donnerdages von dem hilgen Lichnam mit dem officio cibauit, die drudde Myse alle frigdage twisschen achten vnd negen slegen in botrachtungh des bitteren liden-des vnser heren Jhesu Cristi, mit deme officio Humiliauit se met ipsum dominus lessen essit dorch Eynen bequemen prester lessen laten, vnder welcher Myssen, de so alle frigdage gelessen wert, scholen die vorstender der vffgenanten Sanct Catharinen kircken bynnen der Nygen Stadt Soltwedell twelff armen Burgeren essit Burgerischen vth der suluigen Nygenstat Soltwedel Eynem ichlichen Eynen penningh Brot, Eynen guden flameschen heringh vnd Eynen Soltwedelschen penningh alle frigdage vmme gots willen geuen, ock scholen se den suluen twelff armen luden Eynem ichlichen eyn gutt par winter scho alle Jarliges des Frigdages Na Martini thokamen laten, wur var ick vnd myn hulfrawe gnanten vorstenderen Eynen gnanten Summen geldes, Inhalt, Siegel vnd breue darauer gegeuen, vornoget hebben. Vnd vp dat sodann Spende moge ewich in boftunt bliuen, schal Eyn te Erfamen Radt samptlich dem Commendisten eynen melich vffhebet hebben. Ock schal die Commendista dem Erfamen Rade der Nygenstadt Soltwedel alle Jare achte schillingh Soltwedelsche tho vinalia geuen. Vnd alles vorgescreeuen stede vaste thoholden vnd so ewichlich thobliuende, hebben die Erfamen Burgermeister vnd Rathmanne der Nygen stad Soltwedell Ingesigel vmme myner slitigen Beden willen willichen hangen hetten bonedden abn diessen brieff. Nach Cristi vnser heren gebort vffsteinhundert vier vndtwintich Jare, Frigdages Na Reminiscere.

Nach dem Originalte des Salzwedelschen Archives XXXIII, 13.

DCXXIX. Der Rath zu Salzwedel bekundet den Verkauf einer Rente, die Hans Hughe der Bruderschaft des heiligen Kreuzes verkauft hat, am 25. April 1524.

Wy Hermen Gartze, Clawes Moller, Diderick Brun, Claus Conningestede, Diderick Boecke, Heyne Berendes, Hans Mechow, Heine Molre, Hinrich Turitze, Curdt Woleman, Clawes Listen, Frederick Gribenn, Benedictus Vinzelberg, Hermen Listen, Henninghe Woleman, Clawes Berteldes, Hans griben vnde Hinrich Meryn, Radtmanne tho Soltwedel, bekennen — dath in vnser ihgehenwardicheyt Hans Hughe, vnser medeborger, recht vnde redeliken to eynem rechten erskope vorkoft hefft vnd vorkoft iegenwardig, in kraft dusses breues, in, an vnd vp synem huse, twischen Steffen Schulten vnd Achim mertens neffen Sanct Laurenz kerkbaue gelegen, twe margk tinsie iarliches vnse der stad weringhe den bescheiden Henningk Trumpen vnd Arendt Garden, gildemeistern vnd gantzen gemeinen gildebruderen des hillighen cruces bruderschop in der knakenbowergilde vnser der oldenstadt vnde allen ohren nakamen, in nuth derfulsten bruderschop, vor vfflich marck derfulsten weringhe bouetsummen etc. — Doch demfulsten Hans Hughen vnd synes bauenbeschreeuen huses besitteren den wedderkop hir ahne thobeholdende etc. — na Christi